

Tiänujuuvâ eres ko luosâpiivdon kyeskee kuálástusmiäradâsah láá tuhhiittum

Taažáin soppum nubástusah Tiänujuuvâ kuálástusmiäradâssáid puáttee kiäsán láá nannejum staatâräädi asáttâssáin. Tääi soppum miäradâsah kyeskih eres šlaajâi ko luosâ kuálástusân. Luosâpiivdo kioldimân kyeskee lahâiävtuttâs lii ovdâskode kiedâvuššâmnáál. Staatâräädi asáttâs puátá vuáimán 6.5.2022.

Luosâpivdokiäldu váttee muálkkáas tiileest eres kyelišlaajâi pivdomáhđulášvuodâid syevih váhá ložžâsub miäradâsâiguin ko moonnâm ive.

Mađhâšeiheid uáivildum suávviluvviñ puáhtá kuálástiđ riddoost táválumosávt aanoost orroo luoka kuttâ oovtâ kiedâ puzzâvuoggâstággoin keppâ puzzâkuálástuspiergâsijguin. Mađhâšemloveh láá fáállun kesimáánu 15. peeivi räajist syeinimáánu loopân. Päikkikodáláid ulmuid uáivildum kuálástusluvijguin eres kuolijd ko luosâ puáhtá kuálástiđ stággoin meid kárbást. Puoh stággukuálástem lii kioldum iho, mii uáivild kesi-syeinimáánust 23.00-8.00 koskâsii ääigi já porgemáánust 19.00-8.00 koskâsii ääigi. Stággukuálástem lii lasseen räijejum ovdebij iivij náál juhânjaalmij alda sehe Tiänu Paje- já Vyelikievñis kuávloid vuáđudum rávhuiduttemkuávluin vái puáhtá velttiđ luosâ kodđem uálgisalâsin.

Eres šlaajâi ko luosâ viermipiivdost puáhtá kevttiđ viermi, mast láá váhá stuárráábeh čalmeh, já eres kyele viermikuálástuskuávlu vijdán porgemáánust. Merhâšittee lii meid tot, ete kuávžur puáhtá kuálástiđ eres šlaajâi ko luosâ kuáláástmân kyeskee miäradâsâiguin.

Staatâräädi asáttâs almostittooo 6.5.2022 siäđusnurâlduvâst numerijn 314/2022 já sopâmušrááidust numerijn 29/2022.

Lasetiäđuh:

Vesa Ruusila, pivdotuáluneuvos, p. 02951 62051, vesa.ruusila(at)gov.fi

Tapio Hakaste, ráđádâllee virgeolmooš, p. 02951 62152, tapio.hakaste(at)gov.fi